

Urtarrilaren 15ean desplegatuko da Ertzaintza Eibarren 184 kideez

Atzo protesta gisa, enkartelada burutu zen 'Ertzantzarik ez' kolektiboak deituta

Urtarrilak 15etik aurrera desplegatuko da Ertzaintza Eibarren eta 'Ertzantzarik ez' kolektiboak antolatuta enkartelada bat izan zen atzo Eibarren protesta gisa. Hamabost egunetako atzerapenaz datorren gorputz polizialak, Eibarren izango diren lau gorputz polizialen berregokipena behartuko du.

EIBAR

Atzo enkartelada egin zuen 'Ertzantzarik ez' kolektibo eibartarrak urtarrilaren erdialdean Eibarren kokatuko den Ertzaintzaren despiegearen aurka protesta egiteko. Protestaldia Unzaga plazan egin zen arratsaldeko 19.30etan.

Enkarteldaren antolatzaileek diotenez, «logikaz kanpo eta gehiegikeria da 35.000 biztanle baino gutxiagoko hiri batean gorputz polizialen moeta honetako kontzentrazio izatea». Adierazpen hauek Eibarren Udaltzaingoz gain, Goardia Zibila, Polizia Nazionale eta Polizia Gorputz Nazionaleko inspektoreak daudelako dira eta orain Ertzaintzaren despiegearekin lau gorputz ofizial izango bait dira Eibarren.

Kolektibo honen ustez, Ertzaintzaren despiegearekin «Madrilgo Barne Ministeritza eta Goardia Zibilaren unean uneako arduradunak 'Hiri Seguritate' politika bultzatzen ari dira» eta hau honela, «Ertzaintza Estatuko beste indar polizial batean bihurtzea behartua dago, eta honen

✓ Eibarko komisaldegian izango diren 184 agenteen barne promozioa atzeratu denez, despiegeak ere hamabost egunetako atzerapena izango duela aurreratu du.

eginkizuna egun pairatzen dugun marko politikoa defendatzea izango da» diote enkarteladaren antolatzaileek.

Ertzaintzaren kokapenak sor dezakeen egoeraz kezkatutik, 'Ertzantzarik ez' kolektiboak ekintza puntual eta emotiboaz gain beste batzuekin egin behar direla aipatzen dute, «despiegearen ondorio larriak hain garrantzitsuak izan daitezke ezin du-

gula erreakzio emotibo edo puntual letara mugatu». Gogoratu behar da, urte hasierarako iragarrita zegoela Ertzaintzaren kokapena Eibarren baina gorputz polizial honetako Laguntza Tekniko Unitateko buru den Pedro Altamirak esan duenez, Eibarko komisaldegian izango diren 184 agenteen barne promozioa atzeratu denez, despiegeak ere 15 egunetako atzerapena izango duela.



Ertzaintza «Lambretta» enpresaren etxaldean kokatuko da Eibarren. DV, ROS



Inkompatibilitate Batzordeak parlamentari guztiak onartu ditu.

OLALDE

Gasteizko Legebiltzarrak gaur lotuko ditu bateraezintasunak

FELIX IRIARTE / GASTEIZ

Gaur erabakiko ditu inkompatibilitate batzordeak Eusko Legebiltzarreko zazpi parlamentarik diputatu izaeraz jabetzeko aurkeztu beharreko zehaztasunak zeintzuk izango diren. Pasa den asteko ostegunean, inkompatibilitate batzordeak Ordoñez (PP), Olarra eta Gorostiaga (HB), Orbe eta Ibarretxe (EAJ), Garaikoetxea (EA) eta San Ildefonsok (PSE-PSOE) hainbat zehaztasun eman behar zituztela erabaki zuen, eta horretarako gaur bilduko da batzordea Jose Antonio Rubalcaba jeltzalearen lehendakari zapean. Batzorde honek hilak 10 aurkeztuko ditu osoko bileran azken erabakiak.

Zazpi parlamentariak aurreratuta

zituzten falta zitzaizkien datuak eta ez da eragozpenik izango aurrerantzean, Eusko Legebiltzarrean dagoen eserlekua betetzeko. Carlos Garaikoetxea Gasteizko parlamentaria eta Europakoa ere, izango da bihurtik aurrera, Auzitegi Konstituzionalak azken erabakia hartu arte.

GARAIKOETXEA EUSKAL PARLAMENTARI

Eusko Legedia- ren arabera, ez da arazorik bi eserlekuak batera okupatzeko, europarlamentari izateko estatu legeak kontrakoa esaten duen arren. Estatuko lege hau errekurrituta dago Eusko Legebiltzar aldetik Auzitegi Konstituzionalaren aurrean, eta honek azken erabaki bat hartu arte Garaikoetxeak bi eserlekuen jabe izango da.

GALDEGAIA


Javier Beramendi

EGUNKARIA.— Carlos Garaikoetxearen telefonoan, ustez Ertzaintzak jarri zituen entzuteen kasuaren salaketa pribatuaz zu arduratzen zara. Une honetan zein egoeratan dago prozesua eta aurreantzean zer gertatuko dela uste duzu?

JAVIER BERAMENDI.— Une honetan salaketa pribatuaren eta fiskalaren idatziak amaituta daude eta defentsari eman zaizkie, beren txostena presta dezaten. Behin defentsak bere idazkia amaitu ondoren prozesua prest egongo da ahozko epaiketa burutzeko.

Ahozko kausa burutzeko ez dago eperik, nahiz eta oso arin izan ahal den. Epaimahaiak dagoeneko amaitu dagoen hamalau egunetako epea eman zien defentsari, baina zortzi-rehun foliotako kausa da eta horrek denbora ematen du. Halere, nik uste dut aurtengo lehenengo sei hilabeteetan, uda baino lehen epaiketa izango dugula.

Guk eskatutakoaren arabera, epaiketa honetan izan beharko dute Epalza, eta Campoy ertzainak, alegia, ustez telefonozko entzutea burutu zutenak, eta hauetaz gain Goikoetxea sargentu nagusia eta Reto-



Javier Beramendi

KEPA

laza orduko barne kontseilaria eta Agirre eta Zumalde, azken honen etxera desbideratu bait zuten telefonoa.

Orduan, salaketa pribatuak guzti horien kondena eskatzen du, telefonozko entzute ilegalean erantzule izateagatik.

Jakina, nik ezin dut esan zein izango den epailearen azken erabakia. Telefonozko entzuteak izan zirela, ekintza materiala, badirudi argi dagoela.

Lerro artean

Berrirakurketa



Urte berria egunkaririk gabe hasten da. Aurten ere horrela hasi da eta ez gintuen harritu behar, baina atzoko egunkariak errepasatzera-

koan bi egun lehenago eskainiko prentsurreko bat, bere argazkia eta bertan esan zena, hainbat egunkaritan nagusi agertzea bitxia suertatzen da. Albisterik gabeko egun batetan, eguberrian politikagintza lotan bait dago, bezperan EEK eskainitako prentsurrekoak protagonismoa eskuratu zuen. Artikuluari dagokion titularrak, bi egunkaritan izan ezik, irakurketa sinplea du: EEK exekutibak onartu du EAJrekin lortutako akordioa. *El Diario Vasco* egunkariak, ordea, beste ideia hau azpimarratu du: «EEK dio EAJrekiko akordioa 'atzerazina' dela eta 'legegintzaldi osoan mantenduko' dela».

Beste egunkaria *Deia* da. Bertan, EEK ordezkarien hitz batzu jasotzen dira titular nagusian: «Ez dugu gobernu osoa osatu EAJ eta PSOEren arteko zubia egiteko». Honez gain, aipatu egunkariak Joseba Leizaolaren adierazpen batzu jasotzen ditu, nobedaderik gabe. *El Correo Español* da PSOE-PSEko sozialisten esanikoak isladatzen dituen egunkari bakarra. «Jauregik errepikatu du PSE hirugarren gonbidatu gisa eta programa nazionalista batekin ez dela sartuko gobernu hirukun batetan», zioen aipatu egunkariak bere titularrean.

Madrilgo bi egunkaritan, bi elkarrizketa labor argitaratu ziren atzo euskal politikagintzako bi pertsonaiairekin. Batetik, *El Independiente* egunkariak bere bigarren orrialdean duen «Cara a Cara» sailean, EEK Jon Larrinagarekin egindakoa aurki daiteke. Bere adierazpenetatik aipatzeko da Jon Larrinagak Mario Onaindiaren alde egindako agerpena. «Onain-

dia presidente bikaina litzateke, bere laguna naiz eta hau esatean agian faena egiten ari naiz, baina nire botua badu». Beste pertsonaia, Jose Maria Gorordo da. Bere hitzetatik, honakoak azpimarratzen ditu *El Mundo* egunkariak: «EAJren zuzendaritzaren apoioarekin ez nukeen dimitituko».

Azkenik, joan den urtearen balantze gisa, *Navarra Hoy* egunkariak hogeitalau orrialdetako eranskin bat kaleratu zuen atzo. Politikari dagokionez, Nafar Komunitateko autogobernuaz, maiatzako hauteskundeak, Irurtzun-Andoian autobidearen arazoa eta Irunberriko gertaerak entresakatu dira. Iruberrikoari buruzko kronikan zalantzan jartzen da Susana Arregi eta Jon Lizarralderen heriotzetan buru hilketarik egotea. Espainiar Estatu Segutitate Indarren jokabidea zalantzan jartzen da baita ere Mikel Castilloren heriotzean. Gertaerak hotz daudenean errezago omen da muinari heltzea.

PELLO URZELAI